

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni glasnik BiH", broj 39/14), a po Konkurentskom zahtjevu broj: 05.12.100-3431-2 /16 od 22.07.2016. godine, te Odluke o izboru najpovoljnijeg ponuđača Direktorice Zavoda za javno zdravstvo Kantona Sarajevo broj: 05.12.100-3431-Odluka o izboru/16 od 03.08.2016.godine, kojom je prihvaćena Ponuda ponuđača „INTER-COM“ d.o.o. Zenica, kao najpovoljnija i kojom se ponuđaču „INTER-COM“ d.o.o. Zenica dodjeljuje Ugovor za javnu nabavku Građevinsko-zanatskih radova (pripremni radovi, zidarski radovi, keramičarski radovi, stolarski radovi, gipsarski radovi, molersko-farbarski radovi, elektro radovi, vodoinstalaterski radovi i podopolagački radovi), za potrebe J.U. Zavoda za javno zdravstvo Kantona Sarajevo, zaključuje se sljedeće:

**JU ZAVOD ZA JAVNO ZDRAVSTVO KANTONA SARAJEVO**, ulica Dr. Mustafe Pintola broj 1/III Ilidža - Sarajevo, identifikacioni broj: 4200329950003, koga zastupa Dr med. sci. Snježana Balta, primarius, direktor (u daljem tekstu: **Naručilac**)

i

**„INTER-COM“ D.O.O. ZENICA**, ulica: **Vrandučka br.71b**, identifikacioni broj: 4218087760006, koga zastupa Safet Škaljić, direktor, (u daljem tekstu: **Izvođač**), zaključili su:

## **UGOVOR O IZVOĐENJU GRAĐEVINSKO – ZANATSKIH RADOVA**

### **PREDMET UGOVORA**

#### **Član 1.**

Predmet ovog Ugovora je nabavka izvođenja Građevinsko-zanatskih radova i to:

- 1.Pripremni radovi;
- 2.Zidarski radovi;
- 3.Keramičarski radovi;
- 4.Stolarski radovi;
- 5.Gipsarski radovi;
- 6.Molersko-farbarski radovi;
- 7.Elektro radovi;
- 8.Vodoinstalaterski radovi;
- 9.Podopolagački radovi;

Radovi, koje će Izvođač izvršiti Naručiocu u skladu sa odredbama ovog Ugovora i sljedećim dokumentima koji čine sastavni dio ovog ugovora u obliku njegovih priloga i to: Ponudom/Tehničkom specifikacijom Izvođača br. 0341-17/16. od 29.07.2016.godine dostavljenom po Konkurentskom zahtjevu broj: 05.12.100-3431-2 /16 od 22.07.2016. godine. Količine, vrste i kvalitet radova, materijala i opreme koji su predmet ovog Ugovora su određeni Ponudom Izvođača (Prilog 1).

### **CIJENA**

#### **Član 2.**

Naručilac će na ime izvršenih ugovorenih radova iz člana 1. ovog ugovora Izvođaču isplatiti:

- Cijena bez PDV-a: 9.478,88 KM;

- Porez na dodanu vrijednost (PDV 17%)= 1.611,40 KM;
- UKUPNA VRIJEDNOST/CIJENA sa PDV-om= 11.090,28 KM  
(slovima: jedanaest hiljadadevedeset KM i 28PF).

#### Član 3.

Cijena iz prethodnog člana utvrđena je na osnovu vrsta, količina i jediničnih cijena iz Ponude Izvođača/Tehničke specifikacije radova.

Ugovorene jedinične cijene su fiksne i ne mogu se mijenjati ni pod kojim uslovima.

### NAČIN PLAĆANJA

#### Član 4.

Naručilac će izvršiti plaćanje samo nespornih radova izvršenih/urađenih po ovom Ugovoru i ovjerenih od strane nadzornog lica.

Plaćanje će se vršiti nakon izvršene primopredaje ugovorenih radova bez primjedbe i predaje garancije za izvršene radove, a u roku 30 dana od dana dostavljanja fakture.

Uslovi plaćanja i drugi uslovi koje Izvođač jednostrano unese u fakturu ne obavezuju Naručioca ni onda kada je fakturu primio, a nije joj prigovorio.

Plaćanje će se vršiti na transakcijski račun Izvođača br. 338-900-22068022-93 kod UniCredit Bank d.d. BiH.

### OBAVEZE NARUČIOCA

#### Član 5.

Naručilac se obavezuje, naročito:

1. uvesti Izvođača u posao, najkasnije 48 sati od dana obostranog potpisa Ugovora.
2. imenovati lice koje će biti nadzor nad izvođenjem radova
3. organizovati primopredaju izvedenih radova u roku od 2 dana od dana prijema obavijesti od Izvođača radova.

O uvođenju Izvođača u posao sastavlja se poseban zapisnik, i to se konstatuje u građevinskom dnevniku.

Rok za uvođenje Izvođača u posao se produžava ako je uredno ispunjenje obaveze Naručioca onemogućeno višom silom. Produženje roka iznosi onoliko vremena koliko je trajalo dejstvo više sile i koliko je bilo potrebno za otklanjanje njenih posljedica.

### OBAVEZE IZVOĐAČA

#### Član 6.

Izvođač se obavezuje, naročito:

1. izvesti radove na način, u rokovima i po cijeni određenim Ugovorom;
2. voditi obaveznu dokumentaciju u vezi sa izvođenjem radova/na gradilištu u skladu pozitivnim propisima iz oblasti građenja građevina i izvođenja drugih radova u prostoru: građevinski dnevnik i građevinsku knjigu i dr.;
3. Naručioca u pisanom obliku obavijestiti ko je ovlašteni rukovoditelj radova prema ovom Ugovoru;
4. izvoditi radove u skladu sa tehničkim mjerama, propisima, normativima i standardima koji važe za izvođenje predmetne vrste radova.
5. pravovremeno preduzimati mjere za sigurnost objekta i radova, opreme i materijala, zaposlenika, prolaznika, saobraćaja, susjednih objekata i okoline;
6. pridržavati se u potpunosti ovog Ugovora na osnovu kojih se izvode radovi;

## **ROKOVI ZA IZVOĐENJE RADOVA**

### **Član 7.**

Izvođač se obavezuje da sve radove iz člana 1. ovog Ugovora izvede u roku od 15 radnih dana, računajući od dana uvođenja izvođača u posao.

Rok za ispunjenje obaveza/izvršenje radova određen u radnim danima.

## **UGOVORNA KAZNA**

### **Član 8.**

U slučaju prekoračenja roka za dovršenje radova i primopredaje radova iz ovog Ugovora, Izvođač se obavezuje platiti Naručiocu ugovornu kaznu u visini 2‰ (dva promila) od ukupne vrijednosti ugovorenih poslova za svaki kalendarski dan prekoračenja roka iz člana 7. ovog Ugovora. Ukupna ugovorna kazna ne smije prelaziti 5% ukupne vrijednosti ovog ugovora.

## **STRUČNI NADZOR NARUCIOCA**

### **Član 9.**

Naručilac ima pravo da vrši stručni nadzor nad radovima Izvođaca radi provjeravanja i obezbjeđenja njihovog urednog izvođenja, naročito u pogledu vrsta, količina i kvaliteta radova, materijala i opreme i predviđenih rokova.

Radi vršenja stručnog nadzora Naručilac ima pravo pristupa na gradilište, u radionice, pogone i mjesta za uskladištenje materijala.

Stručni nadzor vrši lice koje Naručilac odredi. O licu određenom da vrši nadzor i njegovim ovlaštenjima Naručilac obavještava Izvođača.

Izvođač je dužan da Naručiocu omogući vršenje stručnog nadzora.

## **OBEZBJEĐENJE I ČUVANJE GRADILIŠTA**

### **Član 10.**

Od početka izvođenja do predaje radova naručiocu, Izvođač je dužan da obezbjedi i čuva izvedene radove, opremu i materijal od oštećenja, propadanja, odnošenja, krađe, uništenja. Izvođač snosi troškove obezbjeđenja i čuvanja izvedenih radova, opreme i materijala i rizik njihovog oštećenja, uništenja, krađe, odnošenja, propadanja.

## **PRIMOPREDAJA IZVEDENIH RADOVA**

### **Član 11.**

Izvođač će odmah, a najkasnije u roku od 3 kalendarska dana, nakon završetka radova, u pisanom obliku, obavjestiti Naručioca da su ugovoreni radovi izvedeni.

Naručilac i Izvođač su dužni da pristupe primopredaji izvedenih radova u roku ne dužem od 2 kalendarska dana računajući od obavijesti iz stava 1. ovog člana.

O primopredaji izvedenih radova sastavlja se zapisnik u roku ne dužem od 2 kalendarska dana od pristupanja primopredaji izvedenih radova.

Svaka ugovorna strana pismenim rješenjem određuje svoje ovlaštene predstavnike za obavljanje primopredaje.

Ovlašteni predstavnici ugovornih strana sastavljaju zapisnik o primopredaji izvedenih radova koji sadrži, naročito slijedeće odredbe/podatke:

1. da li su radovi izvedeni prema ugovoru, propisima i pravilima struke;
2. odgovara li način izvođenja radova i kvaliteta izvedenih radova ugovorenim, odnosno koje radove izvođač o svom trošku mora doraditi, popraviti ili ponovo izvesti, u kojem roku to treba učiniti;
3. rok za otklanjanje konstatovanih nedostataka;
4. konstatacija o primopredaji građevinske dokumentacije, garantnih listova,

certifikata i dr;

5. datum završetka radova i datum izvršene primopredaje kao i početak garantnog perioda;

Zapisnik o primopredaji može sačiniti samo jedan ugovarač bez učešća drugog ako drugi ugovarač neopravdano odbije učešće u primopredaji ili se neopravdano ne odazove na poziv da učestvuje u primopredaji. Takav zapisnik se dostavlja drugom ugovaraču. Danom dostavljanja zapisnika nastaju posljedice u vezi sa primopredajom.

Ukoliko se u zapisniku o primopredaji obostrano konstatuje da Izvođač treba o svom trošku da doradi, popravi ili ponovo izvede pojedine radove, Izvođač je dužan da odmah, a najkasnije u roku od pet kalendarskih dana, pristupi izvođenju tih radova.

Ako Izvođač ne izvede radove iz prethodnog stava ovog člana u primjerenom roku koji mu ostavi Naručilac, Naručilac može da angažuje drugo lice da ih izvede.

## **RASKID UGOVORA**

### Član 12.

Naručilac može raskinuti ugovor jednostrano u slijedećim slučajevima:

- 1) ako Izvođač bez pismene saglasnosti Naručioca ustupi trećim osobama izvođenje pojedinih radova koji su predmet ovog Ugovora;
- 2) ako Izvođač dođe u situaciju da ne može izvršiti svoje obaveze iz Ugovora;
- 3) ako je neopravdano zaostajanje u izvođenju radova.

### Član 13.

Zbog neizvršenja ugovorenih obaveza Naručioca Izvođač može raskinuti ugovor samo ako prethodno Naručiocu da primjereni naknadni rok za izvršenje obaveze, a Naručilac ni u naknadnom roku ne izvrši svoje obaveze.

### Član 14.

Ugovor se raskida izjavom u pisanom obliku koja se dostavlja drugoj ugovornoj strani. U izjavi mora biti naveden razlog zbog kojeg se Ugovor raskida.

### Član 15.

Ako se Ugovor raskine krivnjom Izvođača Naručilac mu je dužan platiti nesporne izvedene radove.

### Član 16.

Ako ugovorne strane sporazumno raskinu ugovor tim sporazumom regulirat će sva pitanja nastala povodom raskida ugovora.

### Član 17.

Ako dođe do raskida ugovora, Izvođač je dužan izvedene radove osigurati od propadanja. Troškove osiguranja snosi ona strana koja je odgovorna za raskid ugovora.

## **OSTALE ODREDBE**

### Član 18.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi sa ovim Ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

### Član 19.

Ugovorne strane su saglasne s primjenom odredbi Zakona o obligacionim odnosima, odnosno odredbi Posebnih uzansi o građenju, u granicama i okvirima koje za uzanse propisuje i dozvoljava citirani zakon, i to u pogledu prava, obaveza i odnosa koji nisu regulisani odredbama ovog Ugovora, a koji nastanu u vezi i povodom izvršenja ovog Ugovora.

Član 20.

Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, ugovorne strane ce nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovara se nadležnost suda u Sarajevu, Bosna i Hercegovina uz primjenu pozitivnog prava Bosne i Hercegovine.

Član 21.

Izmjene i dopune ovog Ugovora mogu se vršiti samo pismenim putem. Bice punovažne i obavezujuće ugovorne strane samo one izmjene i dopune koje su sačinili sporazumno u pismenoj formi.

Član 22.

Ovaj Ugovor je sačinjen u četiri(4) istovjetna primjerka od kojih svaka ugovorna strana zadržava po dva primjerka.

*Se*, INTER-COM "D.O.O."  
ZENICA  
DIREKTOR  
COM"  
d.o.o.  
OPĆINSKO DRUŠTVO  
SARAJEVO

( Safet Skaljic )

Broj: 198-08/16  
Sarajevo, 15.08.2016

JU ZAVOD ZA JAVNO ZDRAVSTVO  
KANTONA SARAJEVO  
DIREKTORICA  
ZAVOD ZA JAVNO ZDRAVSTVO  
KANTONA SARAJEVO

(Dr med. sci. Snježana Balta, primarius)

Broj: 05.14.100-3431-Ugovor /16  
Sarajevo, 15.08.2016.godine.

